

續資治通鑑

冊十

續資治通鑑卷第三十七

賜進士及第兵部尚書兼都察院右都御史事又以前代治等處地方軍務兼理糧餉世襲二等輕車天下嬖用伶官

宋紀三十七

起柔北攝提格四月盡屠維大荒落七月凡三年有奇

仁宗體天法道極功全德神文因改授西京留

皇帝

天聖四年

遼太平六年

夏四月安德節度推官李佑唐莊

宗曾孫也上書求便官以洒埽陵廟因改授西京留

守推官帝謂輔臣曰唐莊宗百戰有天下嬖用伶官

以及禍可數也王曾曰陛下日聽政事又以前代治

亂爲龜鑑天下之福也知寧州職方員外郎楊及

嘗因乾元節獻繡佛帝謂輔臣曰及佞人也民安政

舉乃守臣之職焉用爲此辛亥令邸吏還之丙寅

遼主如永安山 五月己卯詔禮部貢舉 判刑部

燕肅上奏曰唐大理卿胡演進月囚帳太宗詔凡決死刑京師五覆奏諸州三覆奏全活甚衆貞觀四年斷死罪二十九開元二十五年才五十八今天下生齒未加於唐而天聖三年斷大辟二千四百三十六視唐幾至百倍京師大辟雖一覆奏而州郡之獄有疑及情可閔者至上請而法寺多舉駁官吏得不應奏之罪故皆增飾事狀移情就法失朝廷欽卹之意望準唐故事天下死罪皆得一覆奏下其章中書王曾謂天下皆一覆奏則死囚充滿狴犴久不得決請獄疑若情可矜者聽上請壬午詔曰朕念生齒之衆抵冒者衆法有高下情有重輕而有司巧避微文一切致之重辟豈稱朕好生之志哉其令天下死罪情

理可矜及刑名疑慮者具案以聞有司毋得舉駁

戊子錄囚

辛卯遼以東京統軍使蕭慥古爲契丹

行宮都部署癸卯遼命西北路招討使蕭惠將兵伐

甘州回鶻

閏月戊申減江淮歲漕米五十萬石除

舒州太湖等九茶場民逋錢十三萬緡

辛亥復陝

西永豐渠以通解鹽

甲子詔輔臣於崇政殿西廡

觀侍讀學士宋綬等講唐書帝曰朕覽舊史每見功

臣罕能保始終者若裴寂劉文靜俱佐命元功不免

誅辱王曾對曰寂等之禍良由功成而不知退也綬

兼句當三班院因請解所兼專事勸講太后命擇前

代文字可資孝養補政治者以備帝覽遂錄進唐謝

偃惟皇誠德賦又錄孝經論語要言及唐太宗所撰

帝範二卷明皇朝臣寮所獻聖典三卷君臣政理論

二卷上之

六月丁亥建劍邵武等州軍大水賑之

庚寅大雨震電京師平地水數尺辛卯避正殿減

常膳

癸巳以西上閣門使曹儀洛苑副使內侍押

班江德明提舉修葺在京營房庫務內殿崇班麥守
忠相度疏導積水水之作也宰執方晨朝未入俄有
旨放朝王曾亟附中使奏曰天變甚異乃臣等燮理
無狀豈可退安私室恬然自處亟請入見陳所以備
禦之道同列有先歸者聞之皆媿服時又傳言汴口
決水且大至都人恐皆欲東奔帝以問曾曾曰河決
奏未至民閒譌言不足慮已而果然 初汴水大漲
衆洶洶憂京城乃用樞密院奏敕八作司決陳留隄
及城西賈陂岡地泄之於護龍河水旣落命開封府
界提點張君平調卒復治其隄防秋七月丙午賜役

卒緡錢

詔官物漂失主典免償流徙者所在撫存

之

戊申御長春殿復常膳

罷永興軍秦坊等州

新醕務

遼主獵於黑嶺

辛未詔兩川所造錦綺

鹿胎透背欹正等歲減上供之半其大小綾及花紗仍令改織絹以供邊費先是上封者以此爲言帝謂輔臣曰朕意正欲如此宜亟行之王曾等曰錦綺纂組有害無益臣約一錦之費可爲絹數匹陛下崇儉節費以惠遠人臣等敢不奉詔帝謂輔臣曰比以

天暑罷講讀適已召孫奭等說書卿等公事退可暫至經筵王曾曰陛下留意經術雖炎暑不輟有以見聖學之高明也壬申詔諸路轉運使舉所部官通經術者八月丁亥築泰州捍海堰先是堰久廢不治

歲患海濤冒民田監西谿鹽稅范仲淹言於發運副

使張綸請修復之綸奏以仲淹知興化縣總其役議者謂濤患息則積潦必爲災綸曰濤之患十九而潦之災十一獲多亡少豈不可乎役旣興會大雨雪驚濤洶洶且至役夫散走旋濤而死者百餘人衆謹言堰不可復詔遣中使案視將罷之又詔淮南轉運使胡令儀同仲淹度其可否令儀力主仲淹議仲淹尋以憂去猶爲書抵綸言復堰之利綸表三請願身自總役乃命綸兼權知泰州築堰自小海寨東南至耿莊凡一百八十里而於運河置閘納潮水以通漕逾年堰成流逋歸者二千六百餘戶民爲綸立生祠令儀及綸各遷官

（攷異）案長編載張綸兼權知泰州乃五年八月辛卯綸及胡令儀遷官乃六年七月甲子朔

今并書之仍別出

遼蕭惠之討甘州回鶻也徵兵諸路獨準

布

舊作阻卜今改

部長特喇

舊作直刺今改

後期立斬以徇至甘州

攻圍三日不克而還時特喇之子聚兵來襲準布部

有烏拜

舊作鳥
八今改

者密以告惠惠未之信會西準布諸

部皆叛都監尼嚕古

舊作呈
魯今改

國舅帳太保阿卜魯

舊作

曷不呂
今改

等將兵三千來救遇敵於哈屯

舊作可
敦今改

城西

南爲其所敗尼嚕古阿卜魯俱死之士卒潰散惠倉

卒列陳準布諸部出不意攻遼營遼人請乘勢奮擊

惠曰我軍疲敝未可用也烏拜請以夜斫諸部之營

惠又不許及諸部兵退惠乃設伏以邀擊之前鋒始

交諸部散去遼主遣特里袞

舊作惕
隱今改

耶律洪古林牙

耶律華格

舊作化
哥今改

將兵討之洪古華格之弟也遼主

嘗刺臂血與洪古盟爲友禮遇尤異及討準布有功

拜南府宰相改上京留守

九月乙卯詔孫奭馮元

舉京朝官通經術者

庚申詔禮部貢院諸科通三

經者薦擢之

錄周世宗從孫柴元亨爲三班奉職

辛未廢襄唐二州營田務以田賦民每頃輸稅五

分

壬申命翰林學士夏竦蔡齊知制誥程琳等重

刪定編敕帝問輔臣曰或謂先朝詔令不可輕改信

然乎王曾曰此儉人惑上之言也咸平中刪太宗朝

詔令十存一二蓋去其繇密之文以便於民何爲不

可今有司但詳其本末又須臣等審究利害一一奏

稟然後施行帝然之

是月遼主駐遼河

冬十月

甲戌朔日有食之

〔攷異〕遼史不書是年日食今從宋史

丙子哈斯罕

舊作

蜀蘇館今改

諸部長朝於遼未幾哈斯罕部乞建旗鼓遼

主從之

淮南轉運司言楚州北神堰真州江口堰

修水閘成初堰度舟歲多壞而監真州排岸潯陽陶

鑑監楚州稅元城王乙竝謂置水閘堰旁以時啓閉

及成漕舟果便歲省堰卒十餘萬乃詔發運司宅可
爲聞處令規畫以聞鑑乙竝優遷

（攷異）案王安石誌王乙墓云乙言楚州可去

堰爲開歲省卒二十一萬七千工錢一百二十萬米六萬八千石與實錄不同未知誰是長編又言鑑孫愷嘗爲成都府轉運副使有文

字記此甚詳

先是孫奭馮元共薦大理寺丞安邱楊安國

爲國子監直講於是并召安國父兗州州學講書光
輔入見帝令說尙書光輔曰堯舜之事遠而未易行
臣願講無逸一篇時年七十餘矣而論說明暢帝欲
留爲學官光輔固辭乙卯以光輔爲國子監丞遣還

遼蕭惠爲招討使累年屢遭侵掠士馬疲困十一

月有小校訴其三罪遼主命案之旋降惠爲南京侍
衛馬步軍都指揮使 十二月丁丑恤畿內饑 辛

巳遼主詔北面諸部廉察州縣之官不治者罷之又
詔大小職官有貪暴殘民者立罷終身不錄其不能

廉直雖處重任亦代之清勤者雖卑位亦當薦拔

遼自蕭哈綽

舊作合卓今改

蕭朴相繼爲樞密使專尙吏才

好自聽訟時人轉相效習風俗日衰遼主下詔曰朕以國家以南北二院分治契丹漢人蓋欲去貪枉除煩擾也若貴賤異等則怨必生夫小民犯罪必不能動有司以達於朝惟內族貴戚各恃恩行賄以圖苟免如是則法廢矣自今貴戚以事被告不以事之大小竝令所在官吏案問具申北南院覆問得實以聞其不案輒申及受請託爲奏言者以本犯人罪罪之

丁亥帝白太后欲元日先上太后壽乃受朝太后

不可王曾奏曰陛下以孝奉母儀太后以謙全國體請如太后令因再拜稱賀帝固欲先上太后壽旣退

出墨詔付中書

五年

遼太平七年

春正月壬寅朔初率百官上皇太后壽

於會慶殿遂御天安殿受朝

己未樞密副使晏殊

罷殊上疏論張耆不可爲樞密使忤太后旨會從幸玉清昭應宮從者持笏後至殊怒以笏撞之折齒御史彈奏遂出知宣州之州數月改應天府延范仲淹以教生徒自五代以來天下學校廢興學自殊始戊辰以夏竦爲樞密副使是月遼主如混同江

二月癸酉命呂夷簡夏竦修先朝國史王曾爲提舉

翰林學士宋綬樞密直學士劉筠陳堯佐同修初內出劄子以先朝正史久而未修慮年紀浸遠事或淪墜宜令王曾修纂之故事宰臣自領監修國史至是以曾提舉乃別降敕焉丙子詔賑京東流民三

月辛酉御崇政殿試禮部奏名進士仍命翰林學士

宋綬以下二十六人爲殿後彌封謄錄考覆詳定編排官如先朝舊制乙丑賜進士王堯臣等一百九十七人及第八十二人同出身七十一人同學究出身二十八人試銜丙寅賜諸科及第并出身者又六百九十八人堯臣虞城人也夏四月癸酉試特奏名進士及諸科甲戌賜同出身及試銜者凡三百四十二人尋下詔戒諭諸道舉人宜奮勵詞學毋坐視歲月冀望恩澤辛巳遼杜防蕭蘊等來賀乾元節知制誥程琳爲館伴使蘊出位圖指曰中國使者至北朝坐殿上位高今北朝使至中國位下請升之琳曰此真宗皇帝所定不可易防又曰大國之卿當小國之卿可乎琳曰南北朝安有大小之異防不能對詔與宰相議或曰此細事不足爭將許之琳曰許其小

必啓其大固爭不可乃止 乙未遼主獵於黑嶺

帝嘗謂輔臣曰世無良醫故天橫者衆張知白對曰
古方書雖存率多舛繆又天下學醫者不得盡見乃
命醫官院校定醫書至是詔國子監摹印頒行并詔
翰林學士宋綬撰病源序 五月庚子朔詔武臣子

孫習文藝者聽奏文資 丙午閱諸班騎射 辛亥

錄繫囚 癸亥楚王元佐薨追封齊王謚恭憲後改

封潞王 是月遼主清暑永安山西南招討司奏陰

山中產金銀請置冶從之復遣使循遼河北求產金

銀之所由是興冶采鍊人賴其利 六月甲戌以京

畿旱禱雨於玉清昭應宮開寶寺 丙子詔決畿內

繫囚 丁丑雨 癸未罷諸營造之不急者先是太

后大出金帛重修景德寺遣內侍羅崇勳主之宰臣

張知白因言案五行志宮室盛則有火災近者洞真
壽寧觀相繼火此皆土木太盛之證帝納其言 詔
翰林學士依大中祥符五年故事雙日鎖院隻日降
麻 遼禁諸屯田不得擅貨官粟 癸巳遼復使蕭
惠討準布 秋七月己亥朔賑泰州水災 遼主諭
中外大臣曰制條中有遺闕及輕重失中者其條上
之議增改焉 乙巳遼詔輦路所經旁三十步內不
得耕種者不在所訟之限 丙辰發丁夫三萬八千
卒二萬一千緡錢五十萬塞滑州決河 詔察京東
被災縣吏不職者以聞 先是司天監主簿苗舜臣
等嘗言土宿留參太白晝見詔日官同攷定日官奏
土宿留參順不相犯太白晝見日未過午舜臣等坐
妄言災變被罰監察御史曹修古言日官所定希旨

悅上不足爲信今罰舜臣等其事甚小然恐自此人
人畏避佞媚取容以災爲福禁中以翡翠爲服玩詔
市於南越修古以爲重傷物命且真宗嘗禁采獭毛
故事未遠宜罷之時方崇建塔廟議營金閣費不可
勝計修古極陳其不可八月壬申修古出知歙州

修古以臺官出典州必坐論諫不合本傳亦甚略今從長編入數事

九月庚戌閱龍衛神

勇軍習戰

召輔臣至崇政殿西廡觀孫奭講書各

賜織成御飛白字圖

陝西轉運司言同華等州旱

虻蚘蟲食苗太常博士祕閣校理國史院編修官謝
絳上疏曰去年京師大水敗民廬舍河渠暴溢幾冒
城郭今年苦旱百姓疫死田穀焦槁秋成絕望此皆
大異也陛下夙夜勤苦思有以撝塞時變固宜改更
理化下罪己之詔修順時之令宣羣言以導壅斥近

幸以損陰而聖心優柔重在改作號令所發未聞有以當天心者夫風雨寒暑之於天時爲大信也信不及於物澤不究於下則水旱爲沴近日制命有信宿輒改適行遽止而欲風雨以信其可得乎天下之廣萬幾之衆不出房闥豈能盡知而在廷之臣未聞被數刻之召吐片言之善朝夕左右非恩澤卽佞倖上下皆蔽其事不虛昔兩漢日蝕水旱有策免三公以示戒懼陛下進用丞弼極一時之選而政道未茂天時未順豈大臣輔佐不明邪陛下信任不篤邪必若使之宜推心責成以極其效謂之不然則更選賢者比來姦邪者易進守道者數窮政出多門俗喜由徑聖心固欲盡得天下之賢能分職受事而宰相方攷資進吏無所建白循依違之迹行尋常之政臣恐不